

HELAIAN KETERANGAN PRODUK

Pelanggan yang Dihormati,

Helaian Keterangan Produk (PDS) ini memberikan anda maklumat penting tentang takaful keluarga anda.

Pelanggan lain telah membaca PDS ini dan mendapati ia membantu; **anda harus membacanya juga.**



1 Apakah IKHLAS Value Term Takaful?

IKHLAS Value Term Takaful adalah produk takaful bertempoh yang menawarkan perlindungan takaful untuk 20 tahun. Manfaat akan dibayar secara sekaligus jika anda meninggal dunia atau mengalami hilang upaya menyeluruh dan kekal (HUMK) dalam tempoh sijil takaful.

Konsep syariah yang diguna pakai adalah seperti berikut:

- **Tabarru'** – derma bagi tujuan perpaduan dan kerjasama dalam kalangan peserta-peserta takaful dan akan digunakan untuk membantu semua peserta-peserta takaful yang ditimpa musibah. Kadar adalah berdasarkan jantina, umur semasa, kadaran kelas pekerjaan dan faktor-faktor lain. Tabarru' akan berkuat kuasa apabila anda mula menyumbang ke dalam dana risiko.
- **Wakalah** – merujuk kepada kontrak di mana satu pihak, sebagai prinsipal (*muwakkil*) membenarkan pihak lain sebagai ejen (*wakil*) untuk melaksanakan tugas tertentu dalam hal-hal yang boleh diwakilkan, dengan atau tanpa mengenakan bayaran. Di dalam konteks pihak syarikat, kami dilantik sebagai ejen (*wakil*) untuk melaksanakan perniagaan takaful dan yuran wakalah (*ujrah*) akan dibayar kepada pihak syarikat.

Nota: "pihak syarikat" merujuk kepada Takaful Ikhlas Family Berhad.

2 Kenali Manfaat Anda

Sebagai ilustrasi, berdasarkan amaun perlindungan asas sebanyak RM500,000 untuk lelaki berumur 30 tahun yang sihat, tempoh perlindungan 20 tahun dan **RM1,325.00** tahunan, anda menerima **manfaat** takaful keluarga berikut:

Manfaat Kematian	RM500,000
Manfaat HUMK	RM500,000

Pengecualian takaful keluarga anda termasuk:

- Manfaat kematian tidak akan dibayar sekiranya orang yang dilindungi meninggal dunia secara langsung atau tidak langsung akibat daripada membunuh diri sama ada siuman atau tidak siuman dalam tempoh dua belas (12) bulan dari tarikh sijil takaful dikeluarkan atau tarikh penguatkuasaan semula, yang mana kemudian.
- Manfaat HUMK tidak akan dibayar jika HUMK disebabkan secara langsung atau tidak langsung akibat penyalahgunaan dadah atau di bawah pengaruh alkohol.

Nota: Senarai ini **tidak menyeluruh**. Anda mesti merujuk kepada sijil takaful untuk senarai penuh pengecualian.

Jika anda mempunyai sebarang soalan atau memerlukan bantuan mengenai takaful keluarga anda, anda boleh:



Hubungi kami di:
+603-2723 9696



Lawati kami di:
www.takaful-ikhlas.com.my/category/protection/product/ikhlas-value-term-takaful



E-mel kami di:
ikhlascare@takaful-ikhlas.com.my



Imbas kod
QR di atas

3 Ketahui Kewajipan Anda

Untuk takaful keluarga ini, anda mesti membayar sumbangan takaful sebanyak:	
Sumbangan	RM1,325.00 Tahunan
Tempoh: sehingga umur 50 tahun	
Anda juga perlu membayar yuran dan caj berikut:	
Duti Setem	RM10
Yuran Wakalah	43.6% daripada sumbangan atau RM11,540.75
Caj lain yang berkenaan	Yuran Penguatkuasaan Semula*: RM15
<i>*Yuran ini mungkin akan disemak semula pada masa akan datang dan ianya juga tertakluk kepada sebarang cukai, levi atau caj lain yang dikenakan oleh mana-mana pihak berkuasa di Malaysia.</i>	

4 Syarat Utama Lain

- Anda mesti mendedahkan semua fakta penting seperti keadaan perubatan dan menyatakan umur anda dengan betul. Jika tidak, anda mungkin berisiko untuk tuntutan anda ditolak atau sijil takaful dibatalkan.
- Sekiranya kami tidak menerima sumbangan takaful pada tarikh akhir sumbangan dan tempoh ehsan telah tamat, sijil takaful akan luput dan tidak akan mempunyai sebarang nilai.
- Tempoh ehsan adalah selama tiga puluh satu (31) hari dari tarikh akhir sumbangan takaful untuk membayar sumbangan takaful anda.

Nota: Senarai ini **tidak menyeluruh**. Anda mesti merujuk kepada sijil takaful untuk senarai penuh terma dan syarat.

? Bolehkah sijil takaful ini dibatalkan?

Ya, anda boleh membatalkan sijil takaful anda dengan memberikan notis bertulis kepada kami.

- **Tempoh Bertenang:** Anda boleh membatalkan sijil takaful anda dengan mengembalikan sijil takaful tersebut dalam tempoh 15 hari selepas sijil takaful anda diterima. Sumbangan yang telah anda bayar (selepas ditolak sebarang yuran perubatan yang dikenakan) akan dipulangkan kepada anda.
- **Notis Bertulis:** Sekiranya anda mendapati bahawa pelan yang telah anda pilih tidak lagi sesuai pada masa hadapan, anda boleh menyerahkan sijil takaful dengan memberikan notis bertulis kepada kami. Tiada sebarang amaun akan dibayar apabila sijil takaful anda diserahkan. Sijil takaful akan ditamatkan selepas itu.

Manfaat yang layak dibayar di bawah Sijil Takaful ini dilindungi oleh PIDM sehingga had. Sila rujuk kepada Risalah 'PIDM's TIPS' atau hubungi Takaful Ikhlas Family Berhad atau PIDM (lawati www.pidm.gov.my).

Pengakuan Pelanggan*

Pastikan anda mengisi bahagian ini sendiri dan mengetahui tujuan anda meletakkan tandatangan anda.

- ☐ Saya mengakui bahawa Takaful Ikhlas Family Berhad telah memberikan saya salinan PDS.
- ☐ Saya telah membaca dan memahami maklumat penting yang terkandung dalam PDS ini.

**Pengakuan pelanggan terhadap PDS ini tidak akan menjejaskan haknya untuk mendapatkan ganti rugi sekiranya berlaku pertikaian seterusnya mengenai terma dan syarat produk.*

Nama:
Tarikh: